


Eerste Gelui

5 Maart 2023

Nuus oor die komende week, NG Kerk Kleinmond
Arabella, Bettysbaai, Kleinmond, Pringlebaai, Rooiels



Gemeente-sentrum: 09:00
Ds. Leopold van Huyssteen
Skriflesing: **Romeine 4: 1-5; 13-17**
Tema: **Die omvang van wat op die spel is.**



Kerksaal: 09:30
Ds. Hannes van Wyk
Skriflesing: **Genesis 12:1-4**
Tema: **God praat met Abraham, maar ook met ons.**



Kerkgebou: 09:30
Ds. Jannie Hougaard
Skriflesing: **Romeine 4:1-5, 13-17.**
Tema: **Wat was Vader Abraham se van?**



Die diens in die kerkgebou word op Kieskerk geplaas.

Die skakel na Kieskerk:

<https://kieskerk.com/ng-gemeente-kleinmond/>

<https://kieskerk.com/ng-gemeente-kleinmond/>

Deuroffers

Die deuroffer is vir ons plaaslike Arbeidsbediening
Volgende Sondag is dit vir die Gebedsbediening.

Kerkkantoor se ingang skuif

Van Maandag af is die kerkkantoor se ingang by die hoofingang van die kerk by die bedieningsluik.

Maak steeds die deur oop en die traliehek sal met 'n afstandsbeheer oopgemaak word.

Kantoorure bly dieselfde:

Maandae tot Donderdae 10 – 1
Woensdae ook van 16:00 tot 18:00
Vrydae is die kerkkantoor gesluit.



Lidmate wat voorbidding baie nodig het

Dawie Kruger van Bb2, Johan van Zyl van KB5 en Christa Fick van PM3. Bid asseblief dat 'n gesikte nierskenker vir Christa gevind sal word.

Bid ook vir Johan Burger van BB1, Piet le Roux van KB4, Dirk Burger van Sa1, Alet Mostert van Ba2, Bets Erasmus wie se susterskind oorlede is en Beth de Villiers van Sa4.

Ons dink aan Hannes Odendaal van Ba2 en hulle familie na sy ma, Louise se dood.

Program vir die week

Dinsdag 7 Maart

- 15:00 Gemeentevroue vergader in die kerksaal
- 16:30 Gebedsgroep
- 18:00 Gebedsgeleentheid om te bid vir ons sendelinge. (Kapel)

Woensdag 8 Maart

- 15:00 Basaarsameroopers vir 1 April se basaar vergader

Donderdag 9 Maart

- 16:00 Kerkkoor oefen by die kerk

Vrydag 10 Maart

- 16:00 tot 18:00 Hangklip se Hoender-ete

Basaarsameroopers vir April-basaar

Al die basaarsameroopers moet asseblief hierdie reëlungsvergadering bywoon in die kuierruimte by die kerk. Baie dankie vir jou gewilligheid. Ds. Jannie sê altyd ons doen dit omdat ons lief is vir die Here.

Brief van ds. Jannie

04/03/2023

Liewe lidmaat van die NGK Kleinmond,

Ons is in 'n interessante tyd van ons gemeente se geskiedenis. Eintlik is ons soos 'n trein tussen stasies, soos die liedjie lui. Maar ons trein stoom voort omdat die Here in beheer van die trein is. Ons sien op verskillende maniere baie duidelik hoe die Here net eenvoudig mense voorsien om deel te neem omdat mense besef: Ons is met ons roeping besig!

Die een stasie, waarvan ons afskeid geneem het, is die ou, groot kerkraad. Ons het op 20 Feb. die laaste kerkraadsvergadering van die ou bedeling gehou. Dit was 'n heerlike kuier- en dankie sê- en afskeid neem geleentheid. In die tussentyd neem die bestaande Dagbestuur as die wettige kerkraad waar totdat die nuwe Kernkerkraad en Wykskerkrade gekonstitueer het



Agter vlnr: Japie Truter, Rudi Perold, Hermie vd Merwe, Le Roux Burrows, JC Hanekom, Koos de Wet, Dirk Reitzema, Pieter Jv Rensburg, Dirk Kotze, Hartmut Spingies, Stephen Myburgh, Willem vd Merwe, Dudley Barry.

Voor: Elaine Reitsma, Ninnie du Toit, Marita Grobler, Jannie Hougaard, Nenie Burger, Alice v Rooyen, Comine Conradie.

Die volgende stasie wat voorlê, is die bevestiging van ds.

Heinrich Carstens as ons volgende predikant. Daardie stasie bereik ons Sondag 2 April 2023. Die bevestiging sal in die kerkgebou in Vierdelaan plaasvind en hy en sy vrou, Jeanne Marie, sal by daaropvolgende Sondae ook by Hangklip en by die kontemporêre bediening in die kerksaal ontvang word. Intussen is ons besig om die pastorie eksieperfeksie voor te berei.

Hier is ook nog nuus uit die Dagbestuur se vergadering van 27 Februarie.

- ☞ Die bestaande kerkraadslede wat op die ou Dagbestuur dien, het hulle beskikbaar gestel om voort te gaan as kerkraadslede in die Kern-kerkraad. Volgens die Kerkorde, moet ons hulle name aan die gemeente bekendmaak vir stille goedkeuring (approbasie) of afkeuring. Die volgende persone is gekies: Hermie van der Merwe, Rudi Perold, Le Roux Burrows, Willem van der Merwe, Marita Grobler, Gert Pretorius en Jannie Hougaard. Hulle verteenwoordig kommissies, bedieninge en die voorsitterskap. Hulle word aangevul met die predikante en ook verteenwoordigers uit die 3 wykskerkrade.
- ☞ Die volgende stap is om die Wykskerkrade te konstitueer. Hangklip is reeds ver gevorder op die pad en die kontemporêre bediening kies ook binnekort 'n leierskorps. In Kleinmond dorp sal rustig voortgaan deur eers met soveel ouderlinge van wyke as moontlik te gesels.



Jeanne Marié en ds. Heinrich Carstens.



Danie de Vaal

☞ Daar is 5 aansoeke vir die vakante nuwe kosterpos ontvang. Na deeglike onderhoude gevoer is, is die pos aan Danie de Vaal toegeken. Baie welkom as deel van die span in diens van die gemeente. Ons sien uit na 'n heerlike tyd van samewerking in diens van die Here tot voordeel van ons gemeente!

☞ Die eerste dag van die verskuifde kerkkantoor is agter die rug en dit het sommer goed gewerk! Baie dankie aan Elizna en Nenie wat die toonbank beman (as vrou. 😊) Let net asb. daarop dat, wanneer jy fotostate benodig, dit vroegtydig gevra moet word. Weens die beurtkrag kan die masjiene nie altyd werk nie.



Nenie Burger en Elizna Hogan.



Die vorige en die volgende:
Johan de Clerk (regs) en Danie de Vaal.

Baie dankie, Johan de Clerk, vir jou diens as koster die afgelope 10 jaar. Ons waardeer wat jy gedoen het! Dankie dat jy vir Danie op sy nuwe pad help. Geniet die rustiger tyd saam met Edna.

Met vriendelike groete vanuit die tussentydse kerkraad,

Jannie Hougaard
S.



Hierdie kleinboet van 'n tamboeryn is na die Kerssangdiens in die kerk gekry.
Herken jy dalk jou instrument?

Hier is 'n bed by die kerk wat 'n nuwe baas soek. Dis die gewone koshuis-tipe bed met selfs die gewone matras-oortreksel. Kom maak 'n aanbod as jy 'n bed kort.





WEGNEEM-ETE @ R80

Kwart gebraaide hoender, 2 slaaie en broodrolletjie


Wanneer: Vrydag **10 Maart**, 2023

Waar: Kry 'n verpakte maaltyd tussen 16:00 en 18:00 by:

- Kleinmond NG Kerk
- Hangklip-Gemeentesentrum

Hoe: Bestel per W-app of sms **voor of op 6 Maart** by:
Kleinmond : 076 134 7157
Bettysbaai : 073 213 8887
(Moet asseblief nie bel nie)
Betaling by afhaalpunt, naam en korrekte bedrag in koevert.

Jou ondersteuning word hoog waardeer!



Getuienisaksie: Ligdraers – ondersteun asseblief

- **Ds. Steven Sass** en sy gesin is reeds vanaf die middel van verlede jaar by die gemeente in Skotland waar hy die leraar en leier is. Hulle eerste maande van aanpassing is verby en ds. Steven het 'n week gelede 'n boodskap gestuur om te vra dat ons gemeente asb. vir hulle sal ondersteun deur gebed, belangstelling en volgehoue kontak.

Die bedoeling is dat ons 'n groepie lidmate vind wat, net soos ander van die Getuienisaksie wat reeds sendelinge en predikante op ver voorposte ondersteun, gereeld vir ds Sass, sy gesin en sy bediening sal bid.

Dit vra deurlopende kontak, belangstelling en dat sulke persone op hoogte bly van hoe dit daar gaan en watter behoeftes daar bestaan betreffende die werk, die andersheid van die Skotte se spiritualiteit en meelewing, en die alleenheid ver van ander met wie die gesin normaalweg vriendskapsbande sou kon bou.

In Hangklip het drie persone tot dusver aangebied om deel hiervan te wees. Die Getuienisaksie nooi graag meer lidmate van Kleinmond-gemeente om deel te word. Gee asb. u naam en telefoonnummer vir Gert Pretorius (082 788 6989) van die Getuienisaksie wat meer inligting kan gee.

Besondere gesinsdiens



Elke week is daar 'n "kinder-oomblik" vir die kinders in die diens. Spesiale dankie aan dr. Louis wat die kinders so deel gemaak het van die diens.

Brood en wyn is aan die gemeente by tafels bedien by die diens op Sondagoggend 26 Februarie 2023. Daar is spesiaal gevlegte brode gebruik vir die Nagmaal. Die skriflesing was Johannes 2:1-11 en die tema was "As die fees van die lewe opraak...!"



Na die bediening van die nagmaal was daar 'n broodtafel voorberei. Die liefdesmaal was 'n gemeenskaplike maaltyd wat van groot betekenis was vir die eerste Christene aangesien hulle daarmee uitdrukking gegee het aan hulle liefde vir en besorgdheid oor mekaar.

Verjaardae



Baie geluk aan almal wat sedert die vorige Eerste Gelui en in die komende week verjaar. Mag die Here se teenwoordigheid jou versterk in die nuwe lewensjaar.

4 Maart

Susan Classen 722771400 van Ba1
Ben De Wet 0834505212 van PB3
Kobus Geldenhuis 0825554552 van KB5
Michelle Le Roux van PM5
Christelle Mostert van Sb2
Francois Olivier 0827739046 van BB1B



5 Maart

Lomien De Wit 0722105775 van PM1
Cornelius Human van Sa3
Susan Le Roux 0282713424 van Sb1
Don Schietekat 0733254354 van BB2
Tienie Symington 0834502947 van KP2

6 Maart

Marilize Bosman 0721973034 van Sa3
Dina Botha van BB1A
Ryan Conradie van Ba2
Barnie Du Toit van KB6
Charlotte Saayman van Sc1
Anita Van Jaarsveld 0736378926 van PB2a



7 Maart

Burger Malherbe 0823264211 van Sc1
Martin Snyman 0832898362 van KP1
Annatjie Stander 0836021156 van PM5

8 Maart
Sowaar nimand wat verjaar nie!

9 Maart

Derigue Coetzee van KB1
Jennie Pretorius 0845195252 van Sb2
PG Spamer van KB2
Bessie Van Der Walt 0837193987 van Bb 4



10 Maart

Estelle Bruwer 0834410176 van Sc4
Pieter Coetzee 0828293854 van KB5
Liam Horn van BB1B
Marié Kleynhans 0828542704 van Sa4
Pieter Myburg 0716820821 van PM2

Sopkombuis

Onthou dat die koffiebottels by die kerksaal afgegee moet word en nie by die kerkkantoor nie.

Ou Tydskrifte

Enige persoon wat nut het vir ou tydskrifte is welkom om by die kerkkantoor te kom kry soveel as wat jy wil hê.

I believe in the sun even when it isn't shining.
I believe in love even when I don't see any sign of it.
I believe in God even when He is silent.

Joodse vlugteling in Warschau

GROOT DANKIE

‘N Groot dankie aan elke gemeentelid wat ‘n bydrae tot die Herberg Kinderhuis gemaak het.

Wees verseker julle het menige kinderharte bly gemaak.

Nogmaals baie dankie.

Liefdevolle God, U het ons in **u beeld** geskape en geseën. U het gesien dat dit **goed** was.

Ons bid vir al die vroue en meisies wat **liefde** en **geregtigheid** in die wêreld uitleef.

Dankie vir die Christenmans wat **vroue respekteer** en waardeer soos U hulle geskape het.

Heilige Gees, gee ons die **wysheid** om vir die randfigure en die onderdruktes **te veg** en die armes en hulpeloses **raak te sien**.

Gee ons die **moed** om namens hulle te praat en ons leiers en regerings te **inspireer** om ‘n veiliger plek vir vroue en meisies te skep.



Biddag vir Vroue



NG KERK
Greyton

Hier vir God, mekaar en vir die wêreld

Bring die HELE gesin en kom kuier saam
by Greyton

Basaar

11 Maart 2023

vanaf 09:00
(voor die kerk)

TEETUIN • VLEISTAFEL • SNUFFELTAFEL
KUIERTENT • MUSIEK • KINDERVERMAAK

KOS

Braaivleis, Sosaties, Boereworsrolle,
Potjiekos, Jaffels, Breakfast Buns, Poeding,
Koeldrank, Groente, Vrugte, Blomme

GEBAK

Pannekoek, Melktert,
Pasteie, Koeke, Brode,
Beskuit, Koekies



Kontak ons:
079 835 0652



Kaart fasiliteite
beskikbaar



SnapScan
Beskikbaar



@NGKerkGreyton

Eko-nuus

Dis weer tyd vir ons volgende skoonmaak-aksie: eerskomende **Saterdag, 11 Maart om 08:30** by die ingang van die **Palmiet**

Woonwapark. Ons wil graag die hele area dek van die Palmiet Dagkamp tot by die parkeerterein van die Palmiet-strand. Sakke, handskoene en steekpenne word verskaf. Kom ons hou hierdie pragtige area so skoon as moontlik.



GROOT OPGEWONDEHEID EN DANKBAARHEID

Groot was ons verrassing toe al die vrywilligers op 16 Februarie 2023 opdaag vir die pak van die maandelikse Caritashouers en hierdie waentjie ... kompleet met rooi strik en al ... in die saal sien. Dit gaan ons werk soveel makliker maak.

Baie, baie dankie vir hierdie wonderlike geskenk ... nog 'n bewys dat gebede beantwoord word.



Ons gemeente vereenselwig ons met die volgende:

Draers van Sy Lig

Verskilmakers met Deernis

Ambassadeurs van Hoop

FOKUS 2023

**“GOD HET ONS GEMAAK WAT ONS NOU IS;
IN CHRISTUS JESUS HET HY ONS GESKEP**

OM ONS LEWE TE WY AAN DIE GOEIE DADE WAARVOOR HY ONS BESTEM HET.”

EFESIËRS 2:10

